

Broj: 01-11-12-1438-10/24  
Sarajevo, 03.09.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-12-399-1/24 od 21.08.2024. godine, Odluke o pokretanju otvorenog postupka javne nabavke usluga - „Održavanje Mreže permanentnih stanica (FBIHPOS) - Telekomunikacijske usluge“, broj: 01-11-12-1438/24 od 17.07.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-1438-9/24 od 03.09.2024. godine, direktor Federalne uprave za geodetske i imovinsko-pravne poslove d o n o s i

## **O D L U K U**

### **o izboru najpovoljnijeg ponuđača za javnu nabavku usluga – „Održavanje Mreže permanentnih stanica (FBIHPOS) - Telekomunikacijske usluge“**

I

Prihvata se preporuka Komisije za provođenje otvorenog postupka javne nabavke usluga - „Održavanje Mreže permanentnih stanica (FBIHPOS) - Telekomunikacijske usluge“, data u Zapisniku o ocjeni ponuda, broj: 01-11-12-1438-9/24 od 03.09.2024. godine, da se za najpovoljniju ponudu prihvati ponuda ponuđača Logosoft d.o.o. Sarajevo za LOT 1, ponuda ponuđača BH Telecom d.d. Sarajevo za LOT 2 i ponuda ponuđača JP Hrvatske telekomunikacije d.d. Mostar za LOT 3.

II

Ponuđaču Logosoft d.o.o. Sarajevo, u skladu sa Ponudom za LOT 1, broj: 096-02-SA/24 od 13.08.2024. godine, i konačnom cijenom ponude nakon E-aukcije u iznosu od 27.180,00 KM bez PDV-a, odnosno u ukupnom iznosu od 31.800,60 KM sa PDV-om, nakon pravosnažnosti ove Odluke dostavit će se prijedlog okvirnog sporazuma za LOT 1.

Ponuđaču BH Telecom d.d. Sarajevo, u skladu sa Ponudom za LOT 2, broj: 08-22-71518/24-02 od 15.08.2024. godine, i cijenom ponude u iznosu od 26.696,88 KM bez PDV-a, odnosno u ukupnom iznosu od 31.235,35 KM sa PDV-om, dostavit će se prijedlog okvirnog sporazuma za LOT 2.

Ponuđaču JP Hrvatske telekomunikacije d.d. Mostar, u skladu sa Ponudom za LOT 3, broj: 01/2024 od 21.08.2024. godine, i cijenom ponude u iznosu od 31.680,00 KM bez PDV-a, odnosno u ukupnom iznosu od 37.065,60 KM sa PDV-om, dostavit će se prijedlog okvirnog sporazuma za LOT 3.

### III

Izabrani ponuđači Logosoft d.o.o. Sarajevo, BH Telecom d.d. Sarajevo i JP Hrvatske telekomunikacije d.d. Mostar su uz ponudu dostavili sve kvalifikacijske dokaze iz izjava, odnosno iz uslova propisanih tenderskom dokumentacijom

### IV

Ova Odluka dostavit će se izabranim ponuđačima Logosoft d.o.o. Sarajevo, BH Telecom d.d. Sarajevo i JP Hrvatske telekomunikacije d.d. Mostar u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

### V

Ova Odluka stupa na snagu danom donošenja.

## **O b r a z l o Ź e n j e**

Na temelju Zakona o javnim nabavkama („Službeni glasnik BiH", br. 39/14, 59/22 i 50/24) i Plana nabavki za 2024. godinu, broj: 01-11-12-399-1/24 od 21.08.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1438/24 od 17.07.2024. godine, pokrenula otvoreni postupak javne nabavke usluga - „Održavanje Mreže permanentnih stanica (FBIHPOS) - Telekomunikacijske usluge“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-27-3-37/24 od 22.07.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1438-1/24 od 17.07.2024. godine, koja je o istom sačinila Zapisnik o zaprimanju ponuda, broj: 01-11-12-1438-4/24 od 26.08.2024. godine, Zapisnik o otvaranju ponuda, broj: 01-11-12-1438-5/24 od 26.08.2024. godine i Zapisnik o ocjeni ponuda, broj: 01-11-12-1438-9/24 od 03.09.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 26.08.2024. godine u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponuda:

1. BH Telecom d.d. Sarajevo (LOT 1 i LOT 2)
2. Logosoft d.o.o. Sarajevo (LOT 1)
3. JP Hrvatske telekomunikacije d.d. Mostar (LOT 3)

Po predmetnom nadmetanju, Komisija je ustanovila da su do roka utvrđenog tenderskom dokumentacijom i obavještenjem o nabavci dostavljene ukupno četiri (4) ponude za predmetnu nabavku usluga, i to ponude ponuđača BH Telecom d.d. Sarajevo za LOT 1 i LOT 2, Logosoft d.o.o. Sarajevo za LOT 1, te JP Hrvatske telekomunikacije d.d. Mostar LOT 3.

Pregledom i analizom navedenih ponuda, Komisija je konstatovala da su sve četiri ponude dostavljene na način predviđen tenderskom dokumentacijom, da se u kontekstu procijenjene vrijednosti nabavke sve četiri ponude uklapaju u procijenjenu vrijednost nabavke ove vrste usluga za svaki pojedinačan lot, s tim da je početna ponuda ponuđača BH Telecom d.d. Sarajevo za LOT 1 bila niža od početne ponude ponuđača Logosoft d.o.o. Sarajevo za isti lot, dok su ponude ponuđača BH Telecom d.o.o. Sarajevo za LOT 2, te JP Hrvatske telekomunikacije d.d. Mostar za LOT 3 nešto niže od procijenjene vrijednosti predmetnih lot-ova.

Komisija je također utvrdila da su ponuđači BH Telecom d.d. Sarajevo, Logosoft d.o.o. Sarajevo i JP Hrvatske telekomunikacije d.d. Mostar kvalifikovani za pružanje predmetnih usluga, da je uz svaku ponudu dostavljena sva obligatorna kvalifikaciona dokumentacija propisana tenderskom dokumentacijom, kao i svi kvalifikacijski dokazi prema uslovima tenderske dokumentacije, te da ponude ne sadrže formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje istih.

Tačkom 3.7. tenderske dokumentacije ovaj ugovorni organ je propisao održavanje postupka E-aukcije putem sistema E-nabavke, te je aukcija za LOT 1 održana dana 28.08.2024. godine, sa početkom u 13:30h i u zakazanom trajanju od 30 minuta, gdje su kao učesnici prijavljeni ponuđači BH Telecom d.d. Sarajevo (kao cjenovno prvorangirana početna ponuda za LOT 1) i Logosoft d.o.o. Sarajevo (kao cjenovno drugorangirana početna ponuda za LOT 1).

Tokom postupka E-aukcije, oba ponuđača su aktivno podnosila nove, snižene ponude u odnosu na svoje početne ponude, te je po okončanju postupka E-aukcije konstatovano da je najnižu cijenu podnio ponuđač Logosoft d.o.o. Sarajevo, sa konačnom cijenom ponude u iznosu od 27.180,00 KM bez PDV-a, koja ponuda je u sistemu E-nabavke konstatovana kao prvorangirana, dok je ponuda ponuđača BH Telecom d.d. Sarajevo završila kao drugorangirana, sa konačnom cijenom ponude u iznosu od 27.190,00 KM bez PDV-a.

Tačkom 10. Zapisnika o ocjeni ponuda, broj: 01-11-12-1438-9/24 od 03.09.2024. godine, te u Izvještaju o toku i završetku E-aukcije prikazani su učesnici aukcijskog nadmetanja, tok i trajanje postupka E-aukcije, te konačne cijene i rang lista podnesenih ponuda, odnosno ponuđača.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu okvirnih sporazuma za LOT 1, LOT 2 i LOT 3, kako je to propisano tačkom 3.6. tenderske dokumentacije, Komisija je ocijenila da su ponude ponuđača Logosoft d.o.o. Sarajevo za LOT 1, BH Telecom d.d. Sarajevo za LOT 2 i JP Hrvatske telekomunikacije d.d. Mostar za LOT 3 formalno-pravno i tehnički prihvatljive, te da ispunjavaju sve uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ovih ponuda kao najpovoljnijih za LOT 1, LOT 2 i LOT 3 u postupku javne nabavke usluga - „Održavanje Mreže permanentnih stanica (FBIHPOS) - Telekomunikacijske usluge“.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-1438-9/24 od 03.09.2024.

godine, da se za najuspješnije ponude u predmetnom postupku javne nabavke usluga prihvate ponude ponuđača:

- Logosoft d.o.o. Sarajevo za LOT 1, koja ponuda je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 27.180,00 KM bez PDV-a, odnosno u ukupnom iznosu od 31.800,60 KM sa PDV-om,
- BH Telecom d.d. Sarajevo za LOT 2, koja ponuda je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 26.696,88 KM bez PDV-a, odnosno u ukupnom iznosu od 31.235,35 KM sa PDV-om, i
- JP Hrvatske telekomunikacije d.d. Mostar za LOT 3, koja ponuda je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 31.680,00 KM bez PDV-a, odnosno u ukupnom iznosu od 37.065,60 KM sa PDV-om.

U analizi provedenog postupka, ovaj ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

**Pouka o pravnom lijeku:** U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

**DIREKTOR**  
Željko Obradović, dipl.ing.geod.

**Prilog:** Zapisnik o ocjeni ponuda

**DOSTAVITI:**

1. Logosoft d.o.o. Sarajevo;
2. BH Telecom d.d. Sarajevo;
3. JP Hrvatske telekomunikacije d.d. Mostar;
4. Sektor za geoinformatiku - o v d j e;
5. U spis.